

唵
嘛
呢
叭
咪
吽

唵
嘛
呢
叭
咪
吽

六字真言法要

中國佛學真言研究社謹印

——民國二十五年三月——



普爲出資及讀誦受持展轉流通

者回向偈曰

願以此功德	消除宿現業
增長諸福慧	圓成勝善根
所有刀兵劫	及與飢饉等
悉皆盡除滅	人各習禮讓
一切出資者	展轉流通者
現眷咸安樂	先亡獲超昇
風雨常調順	人民悉康甯
法界諸含識	同證無上觀

民國二十五年三月再版

五千册

六字真言法要 一册

贈閱處

中國佛學真言研究社

無錫黃埠墩圓通寺

印刷者

無錫文新印刷所

地址 崇安寺

電話 一二三二號

無上甚深微妙法

百千萬劫難遭遇

我今見聞得受持

願解如來真實義

見者聞者生淨信

悉發廣大菩提心

普度衆生成正覺

同願往生極樂國

六字真言威神力

敬信誦持得安樂

國界安甯兵革消

一切災難悉蠲除

江蘇無錫惠山覺聖寺住持超一謹識

刊行緣起

余自幼持誦六字大明咒。而於咒之義理未之聞也。二十年夏。班禪大師於寶華山演說咒義。余得隨衆聽法。當時並未筆記。記憶力薄弱之余。聽過卽忘。其二三矣。季陶先生於第一屆高等考試圍中。爲黃季飛先生書冊頁。偶書六字真言經一卷。卽班禪大師所演說者也。余閱之極喜。恭錄之自備誦讀。今奉母命印行流通。廣布六字之義理於中土。使持誦此咒者。明其法要。如法修行。人人能以觀世音菩薩之心爲心。普度一切。爲國家造幸福。爲世界開太平。固所願也。

中華民國二十五年元月大覺精廬主人謹識



序

近年因世亂之故。求脫離世間苦痛煩惱。能信仰佛法者日多。又以顯教義理不離言說文字。而言說則猶是中土語言。文字猶是中土文字。一切平常。仍不能滿足其無厭之求。於是學密法者日衆。往往入門未久。遂稱宗匠。而所稱道者多奇離不可解。大抵半似鬼神教。半似修煉術。與平日所讀佛書義理。頗不相似。余始則疑之。以爲大乘佛法。不應如此。而又不肯認。此次與班禪大師盤桓十餘日。細心質疑。而後知世之驚異炫奇者。皆自迷迷人。真正密教之義。並不如是也。

季飛先生以素紙二冊囑我題籤。乃不知不覺竟寫成六字真言經一卷。文字雖不雅潔。而義理則極完全。願以此緣。廣布六字之功德於中土。六度齊修。萬行成就。民安國泰。佛日增輝。

孝園主人吳興戴傳賢

六字真言法要

民國二十年六月。請護國宣化廣慧大師班禪講六字真言於寶華山之護國聖化隆昌寺。僧俗與會聽法者四百餘人。大師於先一日。潔身淨慮。着法服。陳六供。禮阿彌陀佛。釋迦牟尼佛。觀世音菩薩。及其本宗初祖宗喀巴大師。行其本宗所傳之瑜伽正法。凡一晝夜。不寢不食。虔誠之情。爲內地說法者所未有。時至整容正衣於佛殿。禮拜已。始登座持諸種加持真言。而後演說法要曰。

昔觀世音菩薩爲阿彌陀佛之高弟。具足諸行等。解萬法等。慈悲衆生。發大誓願曰。盡我形壽。普度一切衆生。若有一衆生不得度者。我誓不取正覺。若我於衆生未盡度之時。自棄此宏誓者。則我之腦裂。

爲千片。發此誓已。專心極意。悲智雙運。現諸神變。應境行化。度脫衆生。如是經無量劫。其所度脫之衆生。盡恆河沙所不能計。而環顧世間衆生。生者無量。而愚癡墮落。受諸痛苦。造諸惡業者。亦復無量。輪迴不已。則衆生之苦。終不能絕。於是菩薩生大憂惱。謂衆生之苦。乃與衆生之生。以俱來。世間既存苦。何能已苦。若不已度。豈能盡昔年之誓。是徒自苦。而於衆生亦無有益。無益之行。何必堅持。此退轉心。甫生。而應誓之相已現。菩薩之腦。忽然自裂千片。猶如千葉蓮花。而大慈大悲救苦救難無始劫來度人無量之阿彌陀佛。則自現身於菩薩之腦中。發慈悲音。而謂菩薩曰。

善哉觀世音。宏誓不可棄。棄誓爲大惡。昔所造諸善。一切皆成妄。汝

但勤精進。誓願必成就。三世共十方。一切佛菩薩。必定加護汝。助汝
功成就。又說真言曰。

唵 嘛 呢 叭 咪 吽

ॐ ॐ ॐ ॐ ॐ ॐ ॐ

觀世音菩薩聞此真言已。得大智慧。生大覺悟。願順 尊旨。勤加努
力。堅持舊誓。永不退轉。至於今日。仍在行法度世。而爲世人所尊仰。
其大慈大悲救苦救難廣大靈感之偉力。蓋成就於是時。故阿彌陀
佛與觀世音菩薩實爲惟一。無有二致。觀世音菩薩之心。卽阿彌陀
佛之心。觀世音菩薩之力。卽阿彌陀佛之力。念此六字真言者。卽是

念觀世音菩薩。卽是念阿彌陀佛。亦卽是念十方三世一切諸佛。然此不可空念也。念此真言者。有一最要之法門。此法門不入。則念之千萬終無有益。法門有何。瑜伽是也。蓋人之於法。必有三體。以此三體而造三業。然後諸法得以成就。三體云者。身、口、意是也。一切諸法賴身而行。一切諸法賴口而傳。一切諸法賴意而生。亦賴意而住。隨順世間因緣。貪嗔癡愛諸善不善業。執持不離。是曰不淨業。舍離諸妄。住心於無所住。行諸善法。而於善終無所得。具大智慧。生大善巧。行大方便。而復一無所執。光明寂靜。慈悲平等。度脫衆生。超生死流。至涅槃岸。如是行。如是言。如是念者。是曰淨業。如是念。卽是如是言。行。如是言。則必如是念。如是行。一剎那間。三業等具不可分離。不可

差別者是。曰瑜伽。修心瑜伽如如成就者。是曰瑜伽三昧。諸佛功德皆由此生。非如是者。必是妄計。妄執諸善。功德皆不成就。是以念六字真言者。須知如何是觀世音菩薩之身。如何是菩薩之口。如何是菩薩之意。菩薩之所行所言所憶念者。皆能如實知。如實觀。如實照。而自己之所行所言所憶念者。必須與菩薩等無有二。然後乃可謂爲一心。直指卽身成佛。如是念者。乃爲淨業相應成就。非如此者。不得爲六字真言行者也。

此理既明。而後可進而講真言之字義。唵者。三業相應之表現也。合則一聲。統攝萬法。究其字源。已可略悉。蓋唵字之源。由於梵字之阿哦嗎三音。此三音有其三字。而三字之義。則統攝萬端。放之則彌

於六合卷之則退藏於密之義略可彷彿。吾人爲佛弟子者。於誦念一切經之前。不至心誠意念三歸三結乎。此一唵字。亦具此意。不念誦諸般淨業加持之真言乎。此一唵卽總持一切淨業加持之真言。念此字時。佛之三體。卽我之三體。我之三業。卽佛之三業。光明具足。堅利具足。慈悲具足。戒具足。定具足。慧具足。一切具足。漏盡意解。不可思議也。𑖀𑖄𑖥𑖦𑖧𑖨𑖩𑖪𑖫𑖬𑖭𑖮𑖯𑖰𑖱𑖲𑖳𑖴𑖵𑖶𑖷𑖸𑖹𑖺𑖻𑖼𑖽𑖾𑖿者。嘛呢爲寶。以喻佛法堅利之德。無所不包。無所不具。凡有所求。無不應者。略說如此。廣說不盡。叭咪水𑖿者。梵語蓮花。以喻智慧。清淨妙潔。一切不染。如如圓滿。一切成就。合此二語。卽是金剛般若。欲具明之。經文具在。𑖀𑖄𑖥𑖦𑖧𑖨𑖩𑖪𑖫𑖬𑖭𑖮𑖯𑖰𑖱𑖲𑖳𑖴𑖵𑖶𑖷𑖸𑖹𑖺𑖻𑖼𑖽𑖾𑖿者。諸願成就之真言也。解以常言爲波羅密。波羅密者。諸行成就之稱也。差別言之。始於布施。成於智

慧般若波羅密多。實具萬德。不可量也。不可言也。不可思議也。

六字略義。詮以言詞。如是而已。欲明其體。則金剛般若波羅密多經文已詳。欲明其相。則阿彌陀經已顯其妙。欲知其用。則妙法蓮華經持之宜精。欲知其行。則毘尼諸經持之宜嚴。總之六字真言者。佛法之總持。在於真實奉行。而不在於詮言說理。說則萬端。理終歸一。願諸大士。聞此法者。發大乘心。普濟一切。以觀世音菩薩之本願爲本願。則今日之法會。爲不虛矣。

大師說此法要。實爲中土縑素聞所未聞。不獨足以闡明六字真言。密宗之所以爲密者。於是乎了澈無疑義矣。

觀世音菩薩的行法(分二)

甲、顯教誦經持名簡略法則

頂禮十方常住佛

頂禮十方常住法

頂禮十方常住僧

頂禮本師釋迦牟尼佛

頂禮西方極樂世界阿彌陀佛（以上三稱三拜亦可）

頂禮大慈大悲救苦救難觀世音菩薩（三稱三拜）

誦妙法蓮華經普門品（一卷或多卷）再念

南無觀世音菩薩（千聲萬聲均可）

（每日行住坐臥憶念亦可）（再念回向偈）

願以此功德。莊嚴佛淨土。上報四重恩。下濟三途苦。
若有見聞者。悉發菩提心。盡此一報身。同生極樂國。

(念畢三拜退出佛堂)

乙、密教修行眞言略義

若依密教修持眞言法門者。必需入壇灌頂。乃爲合理。今將此法。方便示衆。廣結法緣。將來有緣。再行灌頂亦可。特表觀世音菩薩大慈大悲心。普門示現。廣度有情之大願焉。惟願世界人人。皆能持念六字大明王陀羅尼。則化災殃而降吉祥。息戰爭而現和平。於是世界永甯。國家泰平。人民安樂。此人間淨土。卽現目前。考其原。皆由人心之所造成也。請諸位實行此法。特將密教儀軌書後。

四臂觀世音菩薩簡略儀軌

四皈依

南無孤嚕白

皈依上師

南無補達呀

皈依佛

南無打嗎呀

皈依法

南無桑噶呀

皈依僧

發菩提心文

我今發心。不爲自求人天福報。

聲聞緣覺。乃至權乘。諸位

菩薩。惟依最上乘。發菩提心。

願與法界衆生。一時同得。

阿耨多羅三藐三菩提心。

受菩提心戒偈

諸佛正法賢聖僧

乃至菩提我皈依

我能施等清淨作

爲利衆生成佛道

本尊讚

過惡無染身白色

於首莊嚴圓滿佛

慈悲觀視諸衆生

敬禮菩薩觀自在(以上三遍念誦)

本尊眞言

嗡嗎呢叭嚩吽(千遍萬遍更好)

回向偈

我速作此善 成就觀自在 衆生雖無量 令入本尊位

願以此功德 莊嚴佛淨土 上報四重恩 下濟三途苦
若有見聞者 悉發菩提心 盡此一報身 同生極樂國

(以上三遍念誦)(念畢三拜退出佛堂)

願以此功德 廣佈於一切

有情諸衆生 皆成正等覺

中華民國土 化爲安樂國

四萬萬人民 大家都安樂

民國廿五年二月六日

大覺居士謹注